

WS 2024/25 Lat. Lektüre: Plautus, *Epidicus* TEXT 12 / 14.01.25 (Karanasiou)
<https://www.thelatinlibrary.com/plautus/epidicus.shtml>

II.iii

nullum esse opinor ego agrum in agro Attico
 aequae feracem quam hic est noster Periphanes:
 quin ex occluso atque obsignato armario
 decutio argenti tantum quantum mihi lubet.
 quod pol ego metuo si senex resciverit, 310
 ne ulmos parasitos faciat, quae usque attondeant.
 sed me una turbat res ratioque, Apoecidi
 quam ostendam fidicinam aliquam conducticiam.
 atque id quoque habeo: mane me iussit senex
 conducere aliquam fidicinam sibi huc domum, 315
 <quae>, dum rem dinam faceret, cantaret sibi;
 ea conducetur atque ei praemonstrabitur
 quo pacto fiat subdola adversus senem.
 ibo intro, argentum accipiam ab damnoso sene.

(...)

III.ii

EPIDICVS Fecisti iam officium tuum, me meum nunc facere oportet.
 per hanc curam quieto tibi licet esse — hoc quidem iam perii:
 ne quid tibi hinc in spem referas, oppido hoc pollinctum est;
 crede modo mihi: sic ego ago, sic egerunt nostri. 340
 pro di immortales, mihi hunc diem dedistis luculentum,
 ut facilem atque impetrabilem! sed ego hinc migrare cesso,
 ut importem in coloniam hunc <meo> auspicio commeatum?
 mihi cesso, cum sto. sed quid hoc? ante aedis duo sodales,
 erum et Chaeribulum, conspicio. quid hic agitis? accipe hoc

sis. 345

STR. Quantum hic inest? **EP.** Quantum sat est, et plus satis: superfit.
decem minis plus attuli quam tu danistae debes.